

Angajoqqaat akisussaanerat pillugu nunani tamalaani qitiusumik oqartussat pillugit Kalaallit Nunaanni nalunaarut

Angajoqqaat oqartussaanerannik aalajangiisarnert il.il. (nunani tamalaani meeqqat aallarunneqartarnerat) nunani tamalaani naammassineqartarnissaat pillugu inatsimmi § 3, imm. 2, peqqussutikkut nr. 677, 6. juni 2016-imeersukkut Kalaallit Nunaanni atuutilersinneqartoq aamma nunani tamalaani meeqqat illersugaanissaat pillugu Haagimi isumaqatigiissut pillugu inatsimmi § 2, tunngavigalugit aalajangersarneqarpoq:

§ 1. Isumaginninnermut Nunamilu Namminermi pissutsinut ministereqarfik Kalaallit Nunaannut qitiusumik oqartussaaffiuvoq, tak. akuerineqarnissaq aamma angajoqqaat oqartussaanerat pillugu aalajangiisarnert naammassineqartarnissaat pillugu Europarådip isumaqatigiissutaani 1980-imeersumi aalajangersagaq 2 aamma nunani tamalaani meeqqat aallarunneqartarnerisa innuttaasunut inatsiseqartitsinermi sunniutaat pillugit Haagimi isumaqatigiissummi 1980-imeersumi aalajangersagaq 6 aamma angajoqqaat oqartussaanerat meeqqallu illersugaanissaannut suliniutissat pillugit pisinnaasassat, inatsisunik toqqaanissaq, akuerinninnissaq, naammassinninnissaq suleqatigiinnissarlu pillugit Haagimi isumaqatigiissummi 19. oktober 1996-imeersumi aalajangersagaq 29.

§ 2. Isumaginninnermut Nunamilu Namminermi pissutsinut ministereqarfik qitiusumik oqartussaasutut

- 1) Nunat tamat isumaqatigiissutaat pillugit paasissutissiissassaaq,
- 2) Nunat tamat isumaqatigiissutaat malillugit qinnuteqaatit il.il. tigoorartassavai ingerlateqqittassallugillu,
- 3) Naalagaaffinni allani nunat tamat isumaqatigiissutaannik atuutilersitsisimasuni qitiusumik oqartussaasunik suleqateqassaaq,
- 4) Suliassat nunat tamat isumaqatigiissutaat malillugu qitiusumik oqartussaasunitaaq akisussaaffigineqartut isumagisassallugit.

§ 3. Nalunaarut atuutilerpoq ulloq 1. juli 2016.

Social- og Indenrigsministeriet, ulloq 19. juni 2016

KAREN ELLEMANN

/ Malene Vestergaard